

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

-----

GUFENEMA MASOAGINDO

BÀALÓ KOANBÁLA TÁÁNLI  
JÁGA DOAGIDIMA

(PP-G N°028-2026)

-----

Pengidiwende Silibeedi WEDIRAWOGO

Wagidigu, li binli 2026 ciyia dana 24

Tinunga 1 tinunmu 25 siiga

Báaló Koanbála táánli den kàli Wagidigu  
nani ban mááni ki tiédi màamà dana lele kúli,  
li binli 2026, ciyia dana 24, alaamuda daali  
ki cili leerì 9 yogunu ki ban gbeni leerì 13 leni miniti 00,  
Kapitenni Ibirayimi TARAWARE, yua n tié ti Diema Yudanciamo  
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni  
ki tàà a jága, ki púni i làabáali,  
ki dini bi niba a bála li tuonli pò,  
ki dindi niyendo bàli,  
ki púni u sànú bi niba n gedi dietoama nni ti diema yèli pò.

## **I. A JÁGA**



## I.1. BULICINA FASO YUDANCIAMO BADIDIEGU KANI

A Koanbála Táánli táá **tiwaankayenli** ke li tuugi leni ti diema nni a tuonboginkaana dianma Bulicina Faso tuonsoanjaaciam a tuonsoandiegu (biilociamo) tuonbosingagidikaana tili nni.

Laa tuongagidikaana tie Bulicina Faso nni mi tagima sani bandima cogidiecianli tiadi dààma leni a cogibigbenga bangikaani doanciandi mááma.

Laa tiadi baa teni Bulicina Faso nni mi tagima sani bandima cogidiecianli n jaligi ki luodi tonma ki pugini leni a cogibigbenga bangikaani doanciandi mááma.

Li tuona po yaa ligi n bua tie **miliyaadi bonbi muu leni miliyon bonbi kobinii n piimuu n bonbi naa n tuda piiga n kobiya n piimuu n kuumu nii leni falininba naa (5 854 010 958,4) Seefa ligi nni.**

Li ligi baa ñaa Bàaló ligikpagu nni li binli 2026 tuona boginma po.

## I.2. KU CICIKOANBADIEGU KANI

A Koanbála Táánli táá **tiwaankayenli** ke li tuugi leni **masienkaama tila lie (02) ban bogini ya** ke yenli tie ki bandi yaa niba n tùó ki kpe mi diema yèli po, li lieli mo tie ki bandi yaa niba n bàà mi poagilibiadima jalibu bi yema nni mi diema yèli po.

Bulicina Faso yeyuanma nni, politique tuada, bi niba siiga yema leni mi yebiadima yanyagidi teni ke mi diema domààbíla doagidi ki waani bi moandili, bi papaali leni bi yupaabu u Baadogu po.

Laa yema nni, bi tianba den bàà ti gbannandi poagilibiama bine mo hali lan ban pundi kuuma. Laa bonbiadila tua coagicianli yaa niba n laà fala leni yaaba n kpe danba po, ke li pundi Bàaló n tiebi laa tugili.

Ki tiadi yaa niba n puni bi yula pó mi diema guunli nni, laa bonla yegi leni li báli máama yaama yaa lanba n tie n°004-2022/ALT, ban den táa yaama li binli 2022, ciluoba dana 10 ki waani yaa niba n tùó ki kpe mi diema yèli po leni yaa niba n bàà ti gbannandi poagilibiadima jalibu bi yema nni mi diema yèli po yaa mábilikaama n ye. Laa báli máama tienma po, mi másienkaama tilieda yenli kuli bua ki teni Bàaló n tiadi niba 315 yaaba n tùó ki kpe mi diema yèli po leni niba 10 yaaba n bàà ti gbannandi poagilibiadima jalibu bi yema nni mi diema yèli po.

Mine másienkaama tili táama baa teni ti diema n tiadi yaa niba kuli n den gagidi leni li pàpááli ki waani ban pia yaa buacianma mi diema po.

### **I.3. YAA KOANBADIEGU N DIE U LOAGU LENI I LIGI KUBIMA TUONA KANI.**

A Koanbála Táanli táa **másienkaama tila luoba (06).**

**Mi másienkaama tikpiali** tie ki teni mi tagima sani bandima cogidieli yenli n màama Liise Sen Josefi fanma nni, Wagidigou dogu tinbuocagibiga (arondisema) 01, li ñianmuuli ( sekiteeri 5) nni, ke li tuona ya n baa cuani mi todima mi diema niba kuli po mo n baa ki jaligi ki cili tonma.

A Koanbála Táanli yaali n den tieni li binli 2025, piiga n cilo dana 27, den tùó Bàaló n pàa 2 000 000 000 Seefa ligi nni ki diedi Liise Sen Josefi. Hali laa cogidieli n luoni li pundi bina taa. Li màa yaa tinfama n pundi m<sup>2</sup> 12 412, li fancabili yaali yaa lanba n tie 00, îlo 08, sekisiyon 138 (IC), Wagidigu dogu nni, li ñianli (sekiteri) 05, ki tinbuocagibiga (aronsdisema) n°01 nni.

Bi moandi ban baa tieni màama kuli ki guani ki lebidi laa tinfanma tila yaaba n die ma po, àmá bi dáá fidi ki teni ba li tila. Laa bonla teni ke ban bua ki soani li kani yaa tuonli ke li tuugi leni « **ti diema Yudanciamo yanjaga u cogu ŋamu yuakuli tuonboginkaana po** », dáá cili .

Mine másienkaama tili tááma baa teni ban bàà ki jaligi ki màà tonma mi tagima sani bandima cogidieli yenli Liise Sen Josefi fanma nni lan tua mi diema niba kuli todima.

**Mi másienkaama tilieli** tie Bàaló leni yaa tuonsoanjaana n ki tie Bàaló ya máadidaginma tili bààma leni ya tataáncàga n moa mi findima po Bulicina Faso nni, tila tùóma leni a ñiima sanbila n baa ñoadi màamà.

Li tie yaa másienkaama tili n bua ki teni a tataáncàga tuona n yaa ñua nani lan bili màamà ban den táá yaa báli máama li binli 2025 cilele dana 17 ke mi lanba tie n°011-2025/ALT, ki waani yaala n pia u sanu a tataáncàga tuona nni.

Li boncànla mine másienkaamatili nni tie:

- ki teni mi findima tataáncàga ya tuuni Bulicina Faso nni, tataáncàgili kuli n yaa pia mi gagidima leni ban tááni ki ñii ki tùó mi « findima tataáncàgili mábilikaama tili » yaali;
- ki teni li tataáncàgili leni Bàaló n ki die yaa tuonsoanjaali kuli n yaa pia li tuginma leni Bàaló máadidaginma tili;
- ki teni ban yen biigi ki bandi a tataáncàgilama leni yaa tataáncàga n pia u sanu ki ya tuuni Bulicina Faso nni kuli tuona n bogindi ki tuuni màaama leni a ligi n ña màaamà;
- ki bili a tataáncàga tuona ligi n baa pundi yaa bianu lan teni laa càga n tua tataáncàgiciama ya ke Bàaló ki die a;
- ki sieni li tataáncàgili leni tuonsoanjaali tuginma leni Bàaló máadidaginma tili n baa waagi yaa dana bianu.

Laa másienkaama tili tááma baa teni ban doagidi ki waani yaa tuonsoanjaana n ki tie Bàaló ya máadidaginma tili bààma leni ya tataáncàga n moa mi findima po Bulicina Faso nni tila tùóma leni a ñiima sanbila n baa ñoadi màamà Bulicina Faso nni.

**Mi másienkaama titaali** waani Bàaló leni yaa tuonsoanjaana n ki tie Bàaló ya leni a tataáncàga siiga juogidaginma tila ñiima n baa ñoadi yaa sanbila leni ya tataáncàga n moa mi findima po Bulicina Faso nni tila tùóma leni a ñiima sanbila n baa ñoadi màamà Bulicina Faso nni.

Li tie yaa másienkaama tili n bua ki teni yaa tuonsoanjaana n ki tie Bàaló ya leni a tataáncàga tuona n yaa ñua nani lan bili màamà li báli máama yaama yaa lanba n tie n°011-2025/AL, ban den táá yaama li binli 2025 cilele dana 17, ki waani yaala n pia u sanu a tataáncàga tuona nni.

Laa másienkaama tili nni, li boncànla yaala n tugi yuli tie:

- ki teni li tataáncàgili, bàá li ya dáá bàà u sanu ki kàli mi diema nni, li ya tie ke li bua ki todi i ligi Bàaló tuosoandiegubà tuona soanma po, Bàalo n ya pia u sanu ki pegidi laa ligi ñama n baa ñoadi màamà;
- ki kaani koanbádiegu nni kuli yaa càgibiga n baa yaa diidi yaa tuonsoanjaana n ki tie Bàaló ya leni a tataáncàga siiga juogidaginma tila leni laa càga tuonboginkaana n tuuni màamà;
- ki pugini Bàaló leni yaa tuonsoanjaana n ki tie Bàaló ya leni a tataáncàga siiga mi tuginma tila, lani n tie a tataáncàga tuonboginkaana soanma tili li tinbuonli nni, meeri n baa ñii yaali, ki go pugini leni yaa tataáncàga n baa soani ke li kan pundi ñmaali 12 tùóma tili ;
- ki waani laa tila kuli ñiima leni a goapandima n baa ñoadi yaa sanbila ti koanbádiedi leni meerinba nni.

Laa másienkaama tili tááma baa teni ban doagidi ki waani Bàaló leni yaa tuonsoanjaana n ki tie Bàaló ya leni a tataáncàga siiga juogidaginma tila ñiima n n baa ñoadi yaa sanbila Bulicina Faso nni.

**Mi másienkaama tinaali** tie Bàaló tuonjaali BIOTIKI ENDISITIRI ESIYA mábilikaama tila tùóma.

BIOTIKI ENDISITIRI ESIYA tie tuonsoanjaacànli mi tagima tuona nni yaali n ye Lewo dogu nni, ke li tuonli nni yaala n tugi yuli tie ki yaa ñandi mi kpama yaama n pia máyùli bi niba po.

Yaa másienkaama tili n tie ne tááma baa teni li tuosoanjaali BIOTIKI ENDISITIRI ESIYA n bàà yaa báli máama tila n dagidi li tuona cenli ñamu po ke li tuugi leni yaa másienkaama tili lanba n tie n°2000-189/PRES/PM/MCIA, ban den táá yaama li binli 2000 cimuu dana 17 ki waani Bàaló tuonsoanjaana po yaa mabilikaama n ye.

**Mi másienkaama timuuli** tuugi leni **ban bogini yaa másienkaama tili** ki cilini « Faso Sanya ».

Bulicina Faso nni, Bàaló yen ñani binli kuli yaa ligi n yabi boncianla ti tuonsoandiedi mààma, ti ñanbima leni ti tiadi dààma po. Ban biandi yaa ligi ti tuonsoandiedi pidiñanbima, ti mààñanbima leni ti guudima po, yi den tie **K 8 782 129 089 Seefa ligi nni** li binli 2023 nni, yi den pugini li binli 2025 nni ki tie **K 18 802 190 238 Seefa ligi nni**. Àmà, bàá leni laa ligiciami n ñani, yàala n go baa ki tie pàkili, li tie a diena máama gobidima.

Ban cilini « Faso Sanya » ki sugini yaala tie ki teni Bàaló n die ya diena ñanbima tuona gobidima n tua tuoncàgili, ki lingi i ligi, ti tuonsoatiadi leni bi tuonsoanba laa diena kubima po, ki go yen tuodi ki bogini Bàaló tuonsoandiedi ñanbima po.

Laa másienkaama tili tááma baa teni ban cilini « Faso Sanya ».

**Mi másienkaama tiluobili** tuugi leni **ban bogini yaa másienkaama tili** ki tòó « Faso Sanya » mabilikaama tila.

Laa másienkaama tili tááma baa teni « Faso Sanya » n baa yaa báli máama tila n dagidi li tuona soanma ñamu po, nani yaa másienkaama tili lanba n tie n°2014-

613/PRES/PM/MEF, ban den táá yaama li binli 2014 cilele dana 24, ki waani Bàalo saliwudo tuonsoandiedi po yaa mábilikaama n ye.

#### **I.4. YAA KOANBADIEGU N DIE TI DIEMA LENI DIETOAMA SIIGA DANTAADI KANI.**

A Koanbála Táánli táá **tiwaankaali yenli** ke li tuugi leni Iran diema n tieni yaa miabu ki bua ki soani o Tondo Bulicina Faso nni.

A Koanbála Táánli tòó ban dini li báli o joa **Hosen TAGIDARI**, wan tua Iran diema Tondo Bulicina Faso nni, o baa yaa ye Wagidigu.

#### **I.5. TI DIEMA NIBA TUONSOANBA KOANBADIEGU KANI**

A Koanbála Táánli táá **másienkaama tili yenli** ki waani Bàaló tuonsoanba tuona biigima n baa ñoadi yaa sanbila.

Li tie yaa másienkaama n bua ki teni Bàaló tuonsoanba tuona biigima n ñoadi nani li báli máama yaama yaa lanba n tie n°081-2015/CNT, ban den ñani yaama li binli 2015 piiga n cilo dana 24 ki waani Bàaló tuonsoanba po yaa mábikaama n ye.

Li boncanla yaala n tugi yuli mine másienkaama tili nni tie:

- ki tááni bi tuonsoanba tuona biigima po yaa sanbila n ye kuli tiyenli nni ;
- ki teni lan yaa pia u sanu o tuonsoanlo tuonsoanlielo yua tugi o yuli li tuonli nni n biigi o li ya tie ke laa tuonsoanlo liigiyua bàà poadi;
- ki teni lan yaa pia u sanu bi ya dini yaa tuonsoalo li báli li binli nni bi bi ya dindi yua yaa báli n baa wan guani ki táá li tuonli naankani ban biigi o, li ya sua ke o soani likani ke li pundi ñmaali 6;
- ki teni bi tuonsoanba kuli n baa ban bili yaa sanbila bi tuonsoantianba pàka po, li ya sua ke li pia yaa tuonsoanlo ke pakilibà po teni ke waa fidi ki soani o tuonli kani ke li pundi ñmaali 6;

- ki teni yaa tuonsoanlo n bàà ke bi gedini o tuoncàgili nni yááka mo bi tuonsoanba yema ñamu diidima càgili nni, n bàà ban gagidi ki bili li po yaa puwenba ;
- ki teni yaa tuonsoanlo ke bi guani ki bogini o tuonli sienu àmá ke o náá fidi ki soani ban guani ki bogini o tuonli sienu yaa yogunu, n bàà ban gagidi ki bili lipo yaa puwenba.

Laa másienkaama tili táama baa teni Bàaló saliwudo tuonsoanba tuona biigima sanbila gobidima paalu n pugini.

## **I.6. LI LAAFIALI KOANBADIEGU KANI**

A Koanbála Táánli kpaagi **ban bogini yaa báli máama po** ki waani bi niba laafialo po yaa báli máama n ye.

Ban bogini yaa báli máama yeni tie yaama n guani ki pegidi yaa báli máama lanba n tie n°23/94/ADP, ban den ñani yaama li binli 1994 cimuu dana 19, ki waani bi niba laafialo po yaa báli máama n ye.

Hali laa báli máama n ñani li tieni a bina boncianla, àmá bi sua ke mi niinni, a sanbitiama ki go tuugi leni moala yema.

Laa goapegidima baa teni li lafiali tuonsoanba n bàà li laafiali tuonli po yaa báli máama n bogini ki tuugi leni moala yema bi niba laafialo puginma po, ke yuakuli bààdi mi buumoanma, ke gagidimabà ki ye.

Li boncànla yaala n tugi yuli laa báli máama nni tie :

- bi nima buuma ñamu leni ti logitodiedi puginma yi kaani kuli yaala n tie yi yianbiadi nni, o yiamo yema o danjuodikaana nni, yaa buuma n ki se ti logitodiedi nni bebe kani, a logitola todima ti madi pàka nni, yucéli todima laafiali nni, leni i yiani biigima n baa fidi ki tieni yaa kaani kuli ;
- ki bàà ban bangi yaa niba li logitotuonli ki sieni ba ban tua gbaali saala po;

- ki cilini nilo kuli leni o laafiali siennu tili leni i yiani buuma enterineti nni;
- ki tiebi a nibuocàga li laafiali tuona nni.

Akoanbála Táánli tòó ke ban bogini yaa báli máama yeni n pundi Depiteenba tuonsoandiegu kani.

## **II. I LÀABÁALITENKE**

**II.1.** Yaa koanbali n die u loagu leni i ligi kubima tuona waani a koanbala taanli li binli 2026 tuona boginma ligiyuli n tie màamà ciluoba dana 30 yogunu.

Li binli 2026, ciluoba dana 30 yogunu, i ligikuake tie **miliyaadi 1 972,85 Seefa ligi**, ki sua ban den bili ke yaa ligi n baa kua laa yogunu den tie miliyaadi 1 617,43 Seefa ligi. Lan bua ki yedi ke mi ligigaama tuona pundi 121,97%. Li binli 2025 yaali n pendi, laa yogunu nni i ligikuake den tie miliyaadi 1 562,05 Seefa ligi.

Li binli 2026 boagidikpiama yogunu nni, Bàaló pana pama ligi tie **miliyaadi 1 832,67 Seefa ligi**, ki sua bi den bili ke li baa tua miliyaadi 3 918,29 Seefa ligi. Lan bua ki yedi ke li tuonli da se 46,77%. Li binli 2025 yaali n pendi, laa yogunu nni i ligiñake den tie miliyaadi 1 640,39 Seefa ligi.

Bàaló ligidiedi nni, li binli 2026 boagidikpiama yogunu nni, yaa ligi n kua taanma tie **miliyaadi 3 306,42 Seefa ligi**. Ki sua li binli 2025 yaali n pendi, laa yogunu nni, li den tie miliyaadi 2 298,67 Seefa ligi.

I ligibilike fii **miliyaadi 532,32 Seefa ligi**, ke i ligisienke mo tie **miliyaadi 59,58 Seefa ligi**.

A koanbala taanli gááli bi tuonsoanba kuli yaaba n soani ki teni ke ti fidi ki pundi laa sienu li binli 2026 tuona boginma ligiyuli po ciluoba dana 30 yogunu.

Moko, a koanbala taanli puni u sanu ban soagini a tuona soanma tiwaankaali Depiteenba tuonsoankaanu.

**II.2.** Yaa koanbali n die i làabáali, ku maasuagu, i nii tagima leni yanluadi goada tuona waani a koanbala taanli ke Togo n tie yaa diema n baa li seli yiinu tin bogidi yaa badu Wagidugu silima leni televisiyon (ti jinjindi) po (lan tie FESIPAKO), taabuama 30.

Laa gandima baa teni mi tuginma n pugini ti diema leni Togo siiga, ke lan todi tin boagidi leni yaba ti màásuàdi leni mi tuonbanma Afiriki silima njamu po.

FESIPAKO badu yeni baa tieni li binli 2027, citaa dana 20 ki gedi 27. U badu majali tie : « **Afiriki silima leni ti yuceli findima** ».

**II.3.** Yaa koanbali n die ti buudi tuona puni a koanbala taanli yaa laabaali n tuugi leni ban bogidi mi tabuataama po ban yi yaa dana *u baadogu buacianma moandili leni o domatielo aniali tuona dana*.

Laa boginlieli baa tieni li binli 2026 cipiiga dana 2 ki gedi o dana 16. Li boginkpiali den tieni li binli 2026 citaa dana 26 ki gedi cinaa dana 09. Li boginlieli mayuli tie ki tigini Bulicina domatieba line majali po : « **Tin yaa tagi ti tiadi tinba tiba Bulicina nni, tin yaa dàà Bulicina tiatagikaadi !** » leni yaa mayedikaama n tie na : « **Yuakuli n yaa dàà Bulicina n tagi yaa tiadi : Tin teni bondaagu kuli n tua yudierima bonla !** ».

U baadogu buacianma moandili leni o domatielo aniali tuona dana bonginli n lingi yaala tie ki teni bi niba n bandi u baadogu buacianma leni mi domatiema po yaa tuada n dagida ki go yaa pia yogunu kuli u baadogu buacianma moandili leni mi domatiema yantiana ya n baa cuani mi yanduanma, u taayenamu, ki teni yuakuli n yaa moa mi diema niba kuli ñuadi po leni mi diema mààma po.

U baadogu buacianma moandili leni o domatielo aniali tuona dana mi tabualiema boginma po, a tuona boncianla baa soani. Laa tuona nni, Gufenema baa doagidi bi niba kuli po mi lebidimoanma yaama n cua nili kuli po (devolisiyon) n mali ki soani yaa tuonciana.

**II.4.** Ku gbanansaagu jeliti tuona, bi nipanba leni a tuona báama koanbali den doagidi a Koanbala Taanli po Sayeli dogi táányenma cágili nipanba leni yuceli buama tuona cicitaancianli yaali n den tieni li binli 2026, cinii ki cili o dana 28 ki gedi o dana 30, Wagidigu dogu nni.

Laa taancianli mayuli den tie : « **Sayeli dogi táányenma cagili paalu puginma po: bi nipanba tuonli, bi kpajali leni bi moandili** ». Yaa ninpanba n den kali laa

taancianli kani den cie tudili ki ñani AYESI dogi nni leni ban den yini yaa dogi laa taanli po lani n tie Cadi leni Togo.

Bi táántieba den bàà ki boni leni bi yaba a càga nni ki tuugi leni bi nipanba kpajali n tie yaali Sayeli dogi táányenma càgili tingbangu niba táányenma paalu leni mi yanduanma po. Bi bogili den pugini bi táánigbadima, ki teni ke bi bandi a nikpela n pia yaa banma leni ban gu yaala bi nipanba po.

### **III. BAN DINI YAABA A BÁLA**

#### **III.1. BAN DINI YAABA A BÁLA YENDI YENDO TUONA NNI**

**A. YAA KOANBADIEGU N DIE MI DIEMA TINBUONA GOBIDIMA  
LENI A SANCENA TUONA KANI**

- Ti jakoandilielo Hikoti **ÑUMU**, o lanba li tuonli nni tie **130 465 B**, o tie Bujialo, bi dini o li bàli ke o tua li koanbáli todikaaba cagili Yudaano ;
- Ti jakoandilielo Namusa Yenoapo Firansua **GBANGU**, o lanba li tuonli nni tie **184 260 D**, o tie a tinbuona gobidikoa, bi dini o li bàli ke o tua li koanbali todikoa.

**B. YAA KOANBADIEGU N DIE U LOAGU LENI I LIGI KUBIMA  
TUONA KANI**

- Ti jakoandilielo Soré Hibeeri Mariten **KABORE**, o lanba li tuonli nni tie **257 137 M**, o tie Bàaló ligi tuonsoandiedi tuona gobidikoa, bi dini o li bàli ke o tua Kulipélogo porovenso nni Bàaló tuonsoankaana pianma goandima tuona Yudaano;
- Ti jakoandilielo Usimani **ILENGA**, o lanba li tuonli nni tie **294 286 N**, o tie Bàaló ligi tuonsoandiedi tuona gobidikoa , bi dini o li bàli ke o tua Basega porovenso nni Bàaló tuonsoankaana pianma goandima tuona Yudaano;
- Ti jakoandilielo **TUGIRI** pua Sumayi Soriseti **HEMA**, o lanba li tuonli nni tie **225 088 T**, o tie Bàaló ligi tuonsoandiedi tuona gobidikoa , bi dini o li bàli ke o tua Gansurugu porovenso nni Bàaló tuonsoankaana pianma goandima tuona Yudaano;
- Ti jakoandilielo Bakari **DIRABO**, o lanba li tuonli nni tie **104 264 D**, o tie Bàaló ligi tuonsoandiedi tuona gobidikoa, bi dini o li bàli ke o tua Banmi porovenso nni Bàaló tuonsoankaana pianma goandima tuona Yudaano;
- Ti jakoandilielo Yaya **DIARA**, o lanba li tuonli nni tie **257 133 U**, o tie Bàaló ligi tuonsoandiedi tuona gobidikoa , bi dini o li bàli ke o tua Koosin porovenso nni Bàaló tuonsoankaana pianma goandima tuona Yudaano ;
- Ti jakoandilielo Umalu **BELEMI**, o lanba li tuonli nni tie **216 131 U**, o tie Bàaló ligi tuonsoandiedi tuona gobidikoa , bi dini o li bàli ke o tua

Kuriwewogo porovenso nni Bàaló tuonsoankaana pianma goandima tuona Yudaano;

- Ti jakoandilielo Nomayiwendé **BAMOGO**, o lanba li tuonli nni tie **272 811 K**, o tie Bàaló ligi tuonsoandiedi tuona gobidikoa, bi dini o li bàli ke o tua Yoba porovenso nni Bàaló tuonsoankaana pianma goandima tuona Yudaano;
- Ti jakoandilielo Umalu **KORIGO**, o lanba li tuonli nni tie **235 882 H**, o tie Bàaló ligi tuonsoandiedi tuona gobidikoa, bi dini o li bàli ke o tua Balé porovenso nni Bàaló tuonsoankaana pianma goandima tuona Yudaano;
- Ti jakoandilielo Edimon **WEDIRAWOGO**, o lanba li tuonli nni tie **334 168 Z**, o tie Bàaló ligi tuonsoandiedi tuona gobidikoa , bi dini o li bàli ke o tua Lorunmi porovenso nni Bàaló tuonsoankaana pianma goandima tuona Yudaano;
- Ti jakoandilielo Sugirinoma Abiduli-Asiisi **WEDIRAWOGO**, o lanba li tuonli nni tie **294 297 X**, o tie Bàaló ligi tuonsoandiedi tuona gobidikoa , bi dini o li bàli ke o tua Tuwi porovenso nni Bàaló tuonsoankaana pianma goandima tuona Yudaano;
- Ti jakoandilielo Usimani **SAMI**, o lanba li tuonli nni tie **334 179 M**, o tie Bàaló ligi tuonsoandiedi tuona gobidikoa , bi dini o li bàli ke o tua Namantenga porovenso nni Bàaló tuonsoankaana pianma goandima tuona Yudaano;
- Ti jakoandilielo Yaya **SURABIE**, o lanba li tuonli nni tie **246 840 N**, o tie Bàaló ligi tuonsoandiedi tuona gobidikoa , bi dini o li bàli ke o tua Nunbieli porovenso nni Bàaló tuonsoankaana pianma goandima tuona Yudaano;
- Ti jakoandilielo Sumaana **TURE**, o lanba li tuonli nni tie **119 337 F**, o tie Bàaló ligi tuonsoandiedi tuona gobidikoa, bi dini o li bàli ke o tua Sangiye porovenso nni Bàaló tuonsoankaana pianma goandima tuona Yudaano ;

- Ti jakoandilielo Buabani Jonatan **TONPUDI**, o lanba li tuonli nni tie **92 063 K**, o tie li laafiali tuonsoandiedi tuona gobidikoa, bi dini o li bàli ke o tua Siniare logitodieciangu Tiakubilo ;
- Ti jakoandilielo **SONGO** pua Wendebudé Odeti **KONBANTANGA**, o lanba li tuonli nni tie **264 177 B**, o tie li laafiali tuonsoandiedi tuona gobidikoa, bi dini o li bàli ke o tua Kaya logitodieciangu Tiakubilo ;
- Ti jakoandilielo Nesitoori **SALA**, o lanba li tuonli nni tie **391 863 E**, o tie A logitodiena leni li laafiali tuona Gobidikoa , bi dini o li bàli ke o tua Tenkodogo logitodieciangu Tiakubilo.

### **C. MI DIEMA NIBA TUONSOANBA KOANBADIEGUKANI**

- Ti jakoandilielo Sumayela **GANSORE**, o lanba li tuonli nni tie **216 845 W**, o tie bi tuonsoanba sanbila gobidikoa, bi dini o li bàli ke o tua li koanbali todikoa ;
- Ti jakoandilielo Eriki **DARIGA**, o lanba li tuonli nni tie **105 213 J**, o tie bi niba gobidima tuona tundikoa, bi dini o li bàli ke o tua Bàaló saliwuudo tuona Yudanciamo;
- Ti jakoandilielo Wendipanga Asili **ILIBUDO**, o lanba li tuonli nni tie **226 376 K**, o tie bi tuonsoanba sanbila gobidikoa, bi dini o li bàli ke o tua Bàalo tuona gobidima Yudanciamo ;
- Ti jakoandilielo Sonbila **WEDIRAWOGO**, o lanba li tuonli nni tie **78 077 T**, o tie bi niba gobidima tuona tundikoa, bi dini o li bàli ke o tua ku koanbadiegu tuona yankpaagidaano ;
- Ti jakoandilielo Bonyamini **WARIMA**, o lanba li tuonli nni tie **278 897 S**, o tie bi niba gobidima tuona tundikoa, bi dini o li bàli ke o tua Bàalo saliwudo tuona bàli maama gobidima Yudaano;
- Ti jakoandilielo Sisilen **MILOGO**, o lanba li tuonli nni tie **245 174 C**, o tie Bàaló ligi tuonsoandiedi tuona gobidikoa , bi dini o li bàli ke o tua Bàaló bondaakaala leni o tuona masienkaama Canbaa ;

- Ti jakoandilielo Jisié **SUGE**, o lanba li tuonli nni tie **216 830 K**, o tie bi tuonsoanba sanbila gobidikoa, bi dini o li bàli ke o tua Bankuyi désiyon nni mi diema niba tuonsoanba Yudaano;
- Ti jakoandilielo Jakarija **SULAMA**, o lanba li tuonli nni tie **216 831 T**, o tie bi tuonsoanba sanbila gobidikoa, bi dini o li bàli ke o tua Joro désiyon nni mi diema niba tuonsoanba Yudaano;
- Ti jakoandilielo Rosi Rakisiwendé **WEDIRAWOGO**, o lanba li tuonli nni tie **212 435 E**, o tie bi niba gobidima tuona tundikoa, bi dini o li bàli ke o tua u Gulumu désiyon nni mi diema niba tuonsoanba Yudaano;
- Ti jakoandilielo Hañiki Beritili **AYORO**, o lanba li tuonli nni tie **59 694 V**, o tie bi niba gobidima tuona tundikoa, bi dini o li bàli ke o tua Giriko désiyon nni mi diema niba tuonsoanba Yudaano ;
- Ti jakoandilielo Palupugini Abideli Asisi Yanniki **NASUULI**, o lanba li tuonli nni tie **216 822 N**, o tie bi tuonsoanba sanbila gobidikoa, bi dini o li bàli ke o tua Giriko désiyon nni mi diema niba tuonsoanba Yudaano Duogili ;
- Ti jakoandilielo Rasimani **WEDIRAWOGO**, o lanba li tuonli nni tie **57 923 H**, o tie bi tuonsoanba sanbila gobidikoa, bi dini o li bàli ke o tua Kadiogo désiyon nni mi diema niba tuonsoanba Yudaano;
- Ti jakoandilielo Aminata **WEDIRAWOGO**, o lanba li tuonli nni tie **91 876 A**, o tie bi niba gobidima tuona tundikoa, bi dini o li bàli ke o tua Kulise désiyon nni mi diema niba tuonsoanba Yudaano;
- Ti jakoandilielo Hamado **KABORE**, o lanba li tuonli nni tie **247 946 G**, o tie bi tuonsoanba sanbila gobidikoa, bi dini o li bàli ke o tua Lipitako désiyon nni mi diema niba tuonsoanba Yudaano;
- Ti jakoandilielo Bedua Apolineeri **BAKO**, o lanba li tuonli nni tie **201 113 E**, o tie bi niba gobidima tuona tundikoa, bi dini o li bàli ke o tua Lipitako désiyon mi diema niba tuonsoanba Yudaano Duogili;

- Ti jakoandilielo Naboosiba **SAWADOGO**, o lanba li tuonli nni tie **237 982 P**, o tie bi niba gobidima tuona tundikoa, bi dini o li bàli ke o tua Nando désiyon nni mi diema niba tuonsoanba Yudaano;
- Ti jakoandilielo Isimayeli **SAWADOGO**, o lanba li tuonli nni tie **212 165 P**, o tie bi tuonsoanba sanbila gobidikoa, bi dini o li bàli ke o tua Nakanbe désiyon mi diema niba tuonsoanba Yudaano;
- Ti jakoandilielo **KABORE** pua Kéñabié **KANKO**, o lanba li tuonli nni tie **303 647 T**, o tie bi niba gobidima tuona tundikoa, bi dini o li bàli ke o tua Nasinon désiyon nni mi diema niba tuonsoanba Yudaano ;
- Ti jakoandilielo Editi **DABONE**, o lanba li tuonli nni tie **238 578 B**, o tie bi tuonsoanba sanbila gobidikoa, bi dini o li bàli ke o tua Ubiri désiyon nni mi diema niba tuonsoanba Yudaano;
- Ti jakoandilielo **GEBIRE** pua Pengidiwendé Sentisi **WEDIRAWOGO**, o lanba li tuonli nni tie **225 934 A**, o tie bi tuonsoanba sanbila gobidikoa, bi dini o li bàli ke o tua Tannunyan désiyon nni mi diema niba tuonsoanba Yudaano;
- Ti jakoandilielo Tanbi Eduari **ÑAMIWENBA**, o lanba li tuonli nni tie **37 726 W**, o tie bi niba gobidima tuona tundikoa, bi dini o li bàli ke o tua Yaadiga désiyon nni mi diema niba tuonsoanba Yudaano.

#### **D. KU DIEGU YEMA LENI TORIYABA KOANBADIEGU KANI**

- Ti jakoandilielo Urobé Eriki **KULIBALI**, o lanba li tuonli nni tie **57 224 L**, o tie ku koanbadiegu tuonsoandiedi gobidikoa, bi dini o li bàli ke o tua Tidianyudaano.

### **III.2. BAN DINDI YUA YAA BÁLI**

#### **YAA KOANBADIEGU N DIE TI BUUDI TUONA KANI**

A Koanbála Táanli den taa li jagili ki dindi yaa nilo yaa yeli nua ne bàli:

- Ti jakoandilielo Lébinua **NIKIEMA**, o lanba li tuonli nni tie **55 711 M**, o tie Bàaló ligi tuonsoandiedi tuona gobidikoa, o bi tie Bàaló tuonsoankaana pianma goandima tuona Yudaano mi diema nni bi niba n naaninni yàala bi yema nni càgili kani.

### **III.3. BAN DINI YAABA A BALA A TUONJAANA YELI PO**

- A Koanbála Táanli baa ban dini yaaba a bála a tuonjaana tuona boginma caga pò:
- mi diema ligidiegu yaagu n tuuni bi niba saala-yema po (SENESESI) mii diema niba tuonsoanba koanbadiegu yèli nni ;
- A biwaala logitodieciangu Sarili Degoli li laafiali koanbadiegu yèli nni ;
- yaa tuonsoanjaali n gobidi ti tiakuadikaadi bilima leni ti ñaakuadima tuona (FASO YAARI), yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona yèli nni.

A Koanbála Táanli go suagi ki báa ban dini yua li báli ke o tua yaa tuonsoanjaali n gobidi ti tiakuadikaadi bilima leni ti ñaakuadima tuona (FASO YAARI) tuona boginma cagili gobidima Yudaano.

## **A. MI DIEMA NIBA TUONSOANBA**

A Koanbála Táanli táa **masienkàama tila lie (02).**

**Mi masienkàama tikpiali** dini li bàli ti jakoandilielo Karilé **SANGO**, o lanba li tuonli nni tie **111 287 K**, o tie bi tuonsoanba sanbila gobidikoa, o tua mi diema ligidiegu yaagu n tuuni bi niba saala-yema po (SENESESI) tuona boginma cagili Gobidikoa, Bàalo yèli po, mi diema niba tuonsoanba koanbadiegu yèli nni, o cici bàli pò bina táa (03), ki tua ti jakoandilielo Pama SENI lèbidu.

**Mi masienkàama tilieli** gua ki pandi yaa niba yaa yela n ñua ne bàla, bi tie mi diema ligidiegu yaagu n tuuni bi niba saala-yema po (SENESESI) tuona boginma cagili Gobidikaaba, bi bàjuodikaali po bina taa (03).

**Ku diegu yema leni toriyaba koanbadiegu kani:**

- Ti jakoandilielo Musa **WATARA**, o lanba li tuonli nni tie **53 482 W**, o tie ku koanbadiegu tuonsoandiedi gobidikoa.

**Li laafiali koanbadiegu kani :**

- Ti jakoandilielo Diani **KABORE**, o lanba li tuonli nni tie **85 911 X**, o tie a logitodiena leni li laafiali tuona Gobidikoa .

## **B. LI LAAFIALI KOANBADIEGU**

A Koanbála Táanli táa **masienkàama tiyenli** ki dini li bàli ti jakoandilielo Laaliba **WEDIRAWOGO**, o tie nicagili tuonsoanlo, o tua a biwaala logitodieciangu Sarili Degoli tuona boginma cagili Gobidikoa, Kadiogo kominno yèli nni, o cici bàli pò bina táa (03), ki tua ti jakoandilielo Jibirila BAMOGO lèbidu.

**YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA**

A Koanbála Táanli táa **masienkàama tila lie (02).**

**Mi masienkàama tikpiali** dini li bàli yaa niba yaa yela n ɲua ne ke bi tua yaa tuonsoanjaali n gobidi ti tiakuadikaadi bilima leni ti ñaakuadima tuona (FASO YAARI) tuona boginma cagili gobidikaaba, bi cici báli pò bina táa (03).

## **YUA N TUA A TUONA BOGINMA CAGILI GOBIDIKOA BÀALÓ YELI PÒ**

**Yaa koanbadiegu n die mi tagima tuonsoandiedi, u kpendu leni u nuu tuonsoanbanma tuona kani:**

- Ti jakoandilielo Seyidu **ILIBUDO**, o lanba li tuonli nni tie **119 818 S**, o tie u loagu tuona tundikoa ;
- Ti jakoandilielo Issaka **SAWADOGO**, o lanba li tuonli nni tie **343 479 E**, o tie u loagu tuona tundikoa.

**Bulicina Faso Yudanciamo Badidiegu kani:**

- Ti jakoandilielo Karimu **TARAWORE**, o lanba li tuonli nni tie **23 012 (APEC)**, o tie banki tuona bandiciamo.

**Yaa koanbadiegu n die u loagu leni i ligi kubima tuona kani:**

- Ti jakoandilielo **HIEN** pua Maliyama **SERIBO**, o lanba li tuonli nni tie **231 938 M**, o tien mi lingima cogibicanbaa.

**Li laafiali koanbadiegu kani :**

- Ti jakoandilielo Elie **KABIRE**, o lanba li tuonli nni tie **55 881 X**, o tie iniverisite cogibicanbaanciamo.

**Yaa koanbadiegu n diidi bu kpaabu, mi ñima, li yanwubili leni mi ñima nni bonpiakàala tuona kani:**

- Ti jakoandilielo Séni **NIKIEMA**, o lanba li tuonli nni tie **254 897 T**, o tie li kpaagibandili tuona tundikoa.

**YUA N TUA A TUONA BOGINMA CAGILI GOBIDI KOA BULICINA FASO NNI U KPENDU LENI MASINI BONTAGIKAALA TUONSOANKAANI CAGILI YELI NNI**

- Ti jakoandilielo Isa **WATARA**, o lanba li tuonli nni tie **23 19 136 Z**, o tie u loagu kubima tuona bando.

**Mi masienkàama tilieli** dini li bàli ti jakoandilielo Seyidu **ILIBUDO**, o lanba li tuonli nni tie **119 818 S**, o tie u loagu tuona tundikoa, o tua yaa tuonsoanjaali n gobidi ti tiakuadikaadi bilima leni ti ñaakuadima tuona (FASO YAARI) tuona boginma cagili Gobidima Liigiyua, o cici bàli pò bina taa (03).



[www.sig.gov.bf](http://www.sig.gov.bf)

Gufenema Másoagindo



**Pengidiwende Silibeedi WEDIRAWOGO**

*O bàà Bàaló jaandi leni Tanjoa mààlima*